

**يا بو فاضل يالْعِفْتِ لمدلله  
طيفك اَباب الخدر تتخيَّله**

سكينه يا عباس ترقب جيتك  
ايعمها شلون طالت غيبتك  
عازم اعله الموت هذي نيتك  
**هالظعن منته الجنت تكفله**

انته من طيبه جبته النينوى  
اعاينه كنت تخاف لو هب الهوا  
جيف تتركنا يشيال اللوا  
**للمدينه انهض وشد الراحله**

اسمع اعاتاب العزيزه يالكفيل  
تعتب ومدمعا عل خدها يسيل  
من طلعت ابطلعتك حار الدليل  
**اسودت ابعيني فيافي كربلا**

يا قمر عدنان ضجّت هالحرم  
ما نريد الماي يا راعي الشيم  
وزمك لحسين تحرس هالخيم  
**رد يعمي واحمي خدر العايله**

يا شهم وينك تنشدك عمتي  
تنادي يا عباس جاوب نخوتي  
مو قلت يا زينب انتي بدمتي  
**ادرك اختك يا شبل عقد الولا**

شفت ابويه حسين جانه ابجسرتة  
محني ظهره وبيده قابض شيبته  
قطّع قلوب اليتامى ابصيحته  
حزام جيشي راح راعي المرجله

ما رضا اشيله لخيمة عمتج  
اشقدّره الوقاي ينظر حالتج  
لو بجيتي شلون يمسح دمتج  
يصعب اعليه مصابه افصله

قال اخويه طاح ما عنده ازنود  
سهم ابعين او سهم مزق الجود  
راسه يبنييتي تطبر بالعمود  
يفري قلبي امصابه من اتمّله

ظل وجود ابمهجته ضامي رحل  
ضرب للخوه أخويه اروع مثل  
خاض ماي العلقمي لا ما نهل راد  
ايواسيني حبيبي ابهالابلا

نادته ابصوت الهضيمه تنتحب  
ودّعت عمها ابدمعها المنسكب  
جمره باحشاها تشب وتلتهب  
جانت ابهيبة جلاله امظّله